

Хаттама №1

Ақтөбе қаласы

15.01.2021ж

Қамқоршылық кеңес отырысы

Қатысқандар:

1. Жиентай Д.А. – кеңес төрағасы
2. Абдрахманова Ж.К. – кеңес мүшесі
3. Айтешова Г.К. – кеңес мүшесі
4. Жаканов Е.М. – кеңес мүшесі
5. Таубаева Ж.К. – кеңес мүшесі
6. Сарина Б.А. – кеңес мүшесі
7. Ильясов А.К. - мектеп директоры
8. Кунантаева М.К. - хатшы

Күн тәртібінде:

1. Қамқоршылық кеңестің жұмысын ұйымдастыру жөнінде (төрағаны және хатшыны сайлау);
2. Қамқоршылық кеңестің жылдық жоспарын бекіту (Кеңес мүшелері)
3. Мектепте қауіпсіздік шараларын ұйымдастыру туралы (АӘД мұғалімі Бисенов Б.К.);
4. Сыбайлас жемқорлықтың алдын – алу жұмыстары туралы (Ильясов А.К).

Тыңдалды:

Күн тәртібіндегі бірінші мәселе бойынша Қамқоршылық кеңес мүшесі Е.М.Жаканов сөз алып Қазақстан Республикасы Білім және ғылым министрінің 2017 жылғы 27 шілдедегі № 355 бұйрығын негізге ала отырып (Қазақстан Республикасының Әділет министрлігінде 2017 жылғы 29 тамызда № 15584 болып тіркелген) «Білім туралы» 2007 жылғы 27 шілдедегі Қазақстан Республикасы Заңының 44-бабының 9-тармағына сәйкес бұйрықты басшылыққа алып қамқоршылық кеңестің жұмысын ұйымдастыру және оны сайлау тәртібінің қағидаларын түсіндірді. Осы бұйрықтың талабымен «Қамқоршылық кеңестің жұмысын ұйымдастырудың және білім беру ұйымдарында оны сайлау тәртібінің үлгілік қағидаларын бекіту туралы» Қазақстан Республикасы Білім және ғылым министрлігінің 2007 жылғы 22 қазандағы № 501 бұйрығының және 2016 жылғы 22 желтоқсандағы № 715 бұйрығының күші жойылды деп есептелінетінін мәлім етті. Осыған сәйкес дайындалып тұжырымдалған қамқоршылық кеңестің жұмыс жоспарын ұсынды. Сонымен қатар сөз алушы қамқоршылық кеңестің құрамы, құрылымы, қызметі жөнінде айта келіп, кеңес жұмысының мақсаттары мен негізгі бағыттарына тоқталды. Мектептің қамқоршылық кеңесінің төрағалығына осы қамқоршылық кеңес мектепте құрылғаннан бастап төраға болып қызмет атқарып келе жатқан тәжірибелі Д.А.Жиентайды қайта ұсынды. Мектептің қамқоршылық кеңесін ата-аналар комитетімен, жергілікті атқарушы органдармен, басқа да мүдделі ұйымдармен өзара бірлесіп жақсы қарым-қатынаста жұмыс жасауға, мектептің әлеуметтік-мәдени іс шараларына барынша атсалысуға, мектептің дамуына, әлеуетінің одан әрі жақсаруы үшін



көмек көрсетуге шақырды. Сөз алушы кеңес мүшелері М.Ә.Тлеубергенова, Ж.К.Абдрахмановалар қамқоршылық кеңес төрағалығына ұсынылған үміткерді жақсы мінездемелеп, аталмыш міндетті орындауға лайықты тұлға ретінде танитындарын айтып, бірауыздан қолдау керектігін білдірді. Мектеп директоры қосымша сөз алып хатшылыққа мектеп мұғалімі М.К.Кунантаеваны ұсынды. Мұғалім туралы жақсы мінездемелер берді. Осы ұсыныстар дауысқа салынып, бірауыздан Д.Жиентай төраға болып сайланды.

Екінші мәселе бойынша кеңес төрағасы Д.Жиентай 2021 жылға арналған жұмыс жоспарының жобасын ұсынды. Кеңес мүшелері Б.А.Сарина, Ж.К.Таубаева, Г.К. Айтешева өздерінің ұсыныстарымен шығып, сөзжарыстан кейін ортақ мәмілеге келген ағымдағы жылдың жұмыс жоспары нақтыланып, бекітілді.

Үшінші мәселе бойынша мектепте қауіпсіздік шараларын ұйымдастыру туралы АӨТД жетекшісі Б.К. Бисенов хабарлама жасады. Ол бүгінгі күннің талабына сәйкес бекітілген ережеге ішінара өзгерістер енгізудің мақсаты Қазақстан Республикасы жас азаматының жоғары адамгершілік қасиеттерін тәрбиелеу және дамыту, оқушыларға мектепте білім алуға қолайлы жағдай туғызу және мектеп маңайында оқушылардың жүріп тұруына қауіпсіздік жасау, мектептің, өзінің және басқаның мүлкін, мектеп ауласындағы тазалық пен тәртіпті сақтауға және ұстаздар мен басқа жұмыскерлердің еңбегіне құрметпен қарау деп атап өтті. Сонымен бірге сабақ кезінде мұғалімнің немесе оқу меңгерушісінің рұқсатынсыз мектептен және оның маңайынан, өз бетінше спорттық, мәдени және сыныптан тыс шаралардан кетуге болмайтыны, мектепте және оның маңайына жарылғыш, жанғыш, сұйық заттарды, пиротехникалық бұйымдарды, газ баллондарын, шылым мен спирттік ішімдіктерді, есеңгірететін және уландыратын заттарды әкеліп пайдалануға қатаң тыйым салынатыны, сол үшін мектеп кіре берісінде металл іздеу стационарлы және қозғалмалы қондырғылардың орнатылағанын және барлық мұғалімдер мен оқушылар міндетті түрде осы қондырғы арқылы мектеп ғимаратына кіргізіліп жатырғанын айтып өтті. Әлемде көш көрсету, террорлық әрекеттер, мектепке келіп қару қолдану, улы және жарылғыш заттарды қолдану арқылы қауіп туғызу фактілері көптеп кездесуде. Осыған байланысты алдағы оқу жылында мектептің кіре берісінде дабыл кнопокларын орнату, бейнебақылау камераларын көбейту, мектеп күзетін арнайы дайындықтан өткен адамдармен ауыстыру сияқты міндеттер тұр. Барлығы ҚР Білім және ғылым министрлігінің, Облыстық білім басқармасының қолдауымен іске асатын шаралар. Осы бағытта жұмыс жүргізіліп жатыр.

Төртінші мәселе бойынша мектеп директоры сөз алып, өз сөзінде төмендегі негізгі мәселелерге тоқтала кетті:

Сыбайлас жемқорлық ағаш тамырына түскен құрт сияқты мемлекеттік құрылысты да бұзатын жаман әрекет. Осы дерттің алдын – алу мақсатында мектеп үш бағытта жұмыс жасайды. Бірінші бағыт – мектеп оқушылары, екінші бағыт – мектеп ата – аналары, үшінші бағыт – мектеп ұжымы. Ал, жұмыс негізгі төмендегі түрлерден тұрады:

1. Сыбайлас жемқорлықтың алдын – алуға арналған іс-шаралар ұйымдастыру;
2. Сыбайлас жемқорлық туындайтын себептерді жою;
3. Сыбайлас жемқорлық фактілерін анықтау, зерттеу және жазалау;

Осының ішінде оқушылардың бойында адалдық, мейірімділік, имандылық және патриоттық сезімдерді дамыта отырып, балалардың жемқорлыққа деген ұстанымын қалыптастыру жұмыстарына көп мән беріледі. Мысалы, мектепте «Адалдық алаңы», «Адалдық дүкені» ұйымдастырылды. Ал, ата – аналар мен ұстаздардың құқықтық білімін көтеру мақсатында негізгі ҚР заңдарымен таныстыру, оқыту, әңгімелесу әдістерімен жұмыстар жүргізіледі. Алдағы уақытта осы жұмысқа мектеп әкімшілігінен басқа қала

деңгейіндегі мамандар, қоғамдық ұйымдар, мектеп ата – аналарының жетекші топтарын тару көзделуде. Осыған қосымша қазіргі заманның жетістіктерін пайдалан отырып, онлайн форматта әңгімелесулер, баяндамалар, курстар өткізуді тәжірибеге енгізу қолға алынуда.

Көтерілген мәселер бойынша ұсыныстар дауысқа салынып, бірауыздан төмендегідей шешім қабылданды.

Қаулы:

1. Қамқоршылық кеңестің төрағасы болып Д.А. Жиентайдың өкілеттігі ұзартылсын.
2. Қамқоршылық кеңестің 2020 жылға арналған жылдық жоспары нақтыланған нұсқада бекітілсін;
3. Мектеп қауіпсіздігін нығайту мақсатында дабыл кнопкасын орнату;
4. Қазіргі жағдайға байланысты (карантин) мектеп ата – аналары мен оқушыларына онлайн режимінде сыбайлас жемқорлықтың алдын – алу бағытында семинарлар ұйымдастырылсын.

Қамқоршылық кеңес төрағасы:



Жиентай Д.А.

1. Абдрахманова Ж.К. – кеңес мүшесі
2. Айтешова Г.К. – кеңес мүшесі
3. Жаканов Е.М. – кеңес мүшесі
6. Таубаева Ж.К. – кеңес мүшесі
7. Сарина Б.А. – кеңес мүшесі

